

# Pùrtanié



To je taczi diòbét. Nié żóden szatan czé chòc-le smätk, co kòmùdã seje. Le pùrtk, co to na krészce sedzy, a... pùrtò. Bączci pùszczò, pierdzy. *Pùrtòk ògònã mielë* – pòdług słowarza ksádza Sěchtë – czej na Nordze wiatër robi krăcészck. Dali tam czëtómë, że z *taczim, co to pùrtò chłopã* – *nie je mòżno spac*. Kò mógl to robic cészci kòta, a pierz'na bë smrodzëskò schòwãła. Sóm piòrd w całoscë nié za wiele znaczy, tëli co gòwno, a nie je to gwësno jedno, co te dwa słowa partăczi. Rzeklan: *lepi piòrd w bũksë jak talòr w aptékã* – wcyg dobrze pasëje w teròczasu. Dobrze je *miec pò czim piardnqç*. Gòrzi jak *piardnie i je głodny*. Czekawé, że mądrosć lédowò zestòwiò pùrtanié z jinã wòżną sprãwã: *wészczac sã a nie piardnqç, to tak jak wieselë bez mùzyczi*. Pròwdzëwò mądrosć. Tec pierdzcë człowiek mùszi. Przë tim colemało je co czëc. W ùszach a w nosu. Jidze to wierã wëcknqç. Różné to biwają zòpòchë. Kòl chłopów gòrzi pòchnie, kòl białk – słodzy, bò je wiedzec, że *białków smród to dlò chłopa miòd*. Jaż dzyw, co dochorzë jaczi inhalacji z te nie bédëją... Sedzatëbë war-kòwé pierdzòczczy w rédze i robia swòje, a niżi chłopi bë sã zacygelë jak w jaczim sanatorium, przepròszóm, piòrdorium. Na chòrosć pęców – piòrdë pò bónkòwi zupie. Zatoczy abò jinaczi: główné wiczi – wiatrë pò kwasny kapùsce. Kwasné mlékò pò przepùszczënim bez flaczi pòmògò bòdòj na seksowé nimòce. Pòsliwkòwi piòrd dobri je na głowë bòlenié, a pòkrëszkòwi – na kaszel. Same sã rëchtëją zòchăcbë. Bëlnò *piardnica* pòmòże na zăbów gnica! Szos z piòrdflaczi i sznëpa ju nie măczi! Trzë piòrdë w nos i lepszi môsz głos!

Pùrtnqç mòże głosno abò cëchò. Przë głosnym czëjemë grzim a mòtór z pierszi fòrmulë. W Japónii, w cządze Heian (794–1185), ùrządzywelë biòtkã na nògłosniészë pùrtanié „he-gassen”<sup>1</sup>. A bëlë to lédze z tzw. wëszzëznów i wiedzelë, co sã slëchò... Ti ze spòlëznowëch dołów pierdzã pewno, bò mùszã. A czej ju mùszimë, bò... sã ùdëszimë – tedë mòzemë to robic



**Kòl chłopów gòrzi pòchnie, kòl białk – słodzy, bò je wiedzec, że białków smród to dlò chłopa miòd.**

na różné zortë. Jiny je bąk pùszczony przë stole a jiny... przë szandarach. Jeden chłop dostòł sztròfã 20 gòdzyn spòlëznowëch robòtów za pùrtniacë òbczas pandemiczny kòntrolë!<sup>2</sup> Piardnqç òpòcuszkù to je cos. Te bòdòj sã nòbarzi wjadowioné. Jaż w òczë szczipie, nosëskò sã gruzdzi, a łzëska plëną bëstrã strëgã. Pòpiardiwané mòże bëc do smiëchù. Ga człowiek co dwignie a pòpùscy – mòże mù zafelac mòcë – bò to jidze w grëpie. Żelë je ùczony telegrafista – mòże nawetkã jakã wòjnowã depeszã wëpierzec, leno to bë za wiele jedzeniò wòjskò kòsztowãło...

Na nisczim stòłczkù sã pòdobno lżi pierdzy. Jidze to sprawdzëc chòcle na ruczku, przë krów dojenim. Krowiskò sã nie ùrasznie, mlékò nie skwasnieje, a w chléwie i tak smierdzy. Gòrzi, czedë jaczi na wësoczim stòłku piardnie. Zarò robiã prasowã kònferecjà a tlòmaczã, że to Ruscë zrobilë abò jiny Chińczicë. A tak w całoscë to nicht nie pùrtnqł w naszì kadencji i to je wina tëch chùtczëszich rządów... Zawòłony mésztrze pùrtaniò pòtrafiã z te zrobic mùzykã. Zdrzisz do kòncertowégò repertuarë, a tam: *Smródfònia O-Dur pò kwasnym mlékù a gùrkach*; *Piòrdowi kwartët na flakã a srakã*; *Piardiemento na smródczci i zachlastnicã* czë *Pùrtu-pùrtu* – pòlka pòpiardolka na akòrdion smrodo. Przëdò sã tej jakò wëszzò szkòta pùrtaniò, dze ùczati piòrdolodzë mđã wëkładac: *Dzeje pierdzeniò*; *Teròczasnë pùrtanié w feminiznie* (fakùltët); *Metodologiò kùńsztownëgò pòpiardiwané*; *Pùrtanié w ùczbie jăzëków*; *Piòrdoznawstwò ògłowë*; *Spòdlowò wiédzò ò piòrdach w òbrëmim biòtczi z klimatã*; *Technika pierdi-piòrdu w słuźbie òbarnë strzodowiszczã*; *Zarządzynanié mòdernym pierdzenim*; *Wiédzò ò jăzëkach strzëdniowiecznëch Pùrtónów*. Pò janielskù mdze *Winds of change – study of culture*, a pò niemiec-kù *Durch den Wind zur Ewigkeit – eine philosophische Studie*.

Jo. Taczë to sã mòje felietónowë pierdzënë. Nie widzã sã Wama? Mie jo, bò *chto pierdzy – temù nie smierdzy...*



TÓMK FÓPKA

<sup>1</sup> <http://www.paranormalne.pl/topic/37881-sztuka-pierdzenia/>

<sup>2</sup> <http://oteatrzejycia.pl/2020/07/kara-za-puszczanie-baka>